

Član 3.

Za realizaciju ove odluke zadužuje se Javna ustanova "Centar za napredne tehnologije u Sarajevu" i Ministarstvo finansija Kantona Sarajevo.

Član 4.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 07-04-30-39035-1/23

08. septembra 2023. godine

Sarajevo

Ministar

Zlatko Mijatović, s. r.

**Ured za borbu protiv korupcije i upravljanje
kvalitetom Kantona Sarajevo**

Na osnovu člana 66., stav 2. i člana 68., stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), šef Ureda za borbu protiv korupcije i upravljanje kvalitetom Kantona Sarajevo donosi

**INSTRUKCIJU
ZA IZRADU AKATA U UREDU ZA BORBU PROTIV
KORUPCIJE I UPRAVLJANJE KVALITETOM
KANTONA SARAJEVO**

Član 1.

(Predmet)

Ovom instrukcijom se bliže utvrđuju pravila i upute o sadržaju i izgledu službenih akata kojim se vrši službena prijepiska u Uredu za borbu protiv korupcije i upravljanje kvalitetom Kantona Sarajevo (u daljem tekstu: Ured).

Član 2.

(Primjena)

Svi državni službenici i namještenici u Uredu su dužni postupati po ovoj instrukciji prilikom izrade službenih akata kojim se vrši službena prijepiska, i to:

- akata kojima se Ured obraća pravnim i fizičkim licima u vidu zahtjeva za dostavu informacija, podataka, dokumentacije i sl., neophodnih za provođenje aktivnosti iz nadležnosti Ureda,
- akata u vidu odgovora na zaprimljene akte, dopise i podneske, dostavljene Uredu od pravnih i fizičkih lica,
- akata u formi mišljenja, informacija, analiza, i sl., o stanju u pojedinim predmetima, koje Ured dostavlja pravnim ili fizičkim licima ili iste arhivira uz predmet.

Član 3.

(Sadržaj akta)

- Akti iz člana 2. ove instrukcije obavezno sadrže:
 - zaglavlje akta,
 - naziv i adresu primatelja,
 - predmet akta,
 - sadržaj akta,
 - potpis lica koje je izradilo akte,
 - potpis ovlaštenog lica,
 - otisak službenog pečata.
- Potpis lica koje je izradilo akt stavlja se samo na akte iz stava (1) ovog člana koji se čuvaju u arhivi predmeta.
- Otisak službenog pečata može se stavljati na akte koji se čuvaju u arhivi predmeta.

Član 4.

(Izgled akta)

- Memorandum je obavezan na svakom aktu iz člana 2. ove instrukcije.
- Akti iz člana 2. ove instrukcije pišu se fontom Times New Roman, veličine slova 12 (izuzev zaglavlja i podnožja).
- Postavke margine u odnosu na ivice stranice A4 formata su: 2 cm udaljen od lijeve i desne ivice, 1 cm udaljen od gornje ivice, to 0,9 cm udaljen od donje ivice.
- Prored u aktima iz člana 2. ove instrukcije treba da bude jednostruki ili u rasponu od 1,0 do 1,1.

Član 5.

(Stupanje na snagu)

Ova Instrukcija stupa na snagu danom donošenja, a biće objavljena u "Službenim novinama Kantona Sarajevo" i na službenoj web stranici Ureda.

Broj 20-02-39054/23

01. septembra 2023. godine

Sarajevo

Šef Ureda

Erduan Kafedžić, s. r.

OPĆINA CENTAR SARAJEVO**Općinsko vijeće**

U skladu sa članom 6. Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine ("Službene novine Federacije BiH", broj 19/08), u vezi sa članom 23. i na osnovu člana 10. stav 1. alineja druga, Statuta Općine Centar Sarajevo ("Službene novine Kantona Sarajevo", broj 23/04 - Prečišćeni tekst) te u skladu sa Zaključkom o prihvatanju inicijative za pokretanje postupka opoziva Općinskog Načelnika Općine Centar Sarajevo broj 01-45-542/23 od 27.07.2023. godine, Općinsko vijeće Centar Sarajevo je na 8. Vanrednoj sjednici održanoj dana 05.09.2023. godine, donijelo

ODLUKU**O IZMJENI ODLUKE O POKRETANJU OPOZIVA
NAČELNIKA OPĆINE CENTAR SARAJEVO**

Član 1.

Ovom Odlukom mijenja se Odluka o pokretanju postupka opoziva načelnika Općine Centar Sarajevo Srđana Mandića ("Službene novine Kantona Sarajevo", broj 35/23), u daljem tekstu: Odluka o opozivu Načelnika.

Član 2.

Član 2. Odluke o opozivu Načelnika mijenja se i glasi: "O opozivu Načelnika odlučuju građani Općine Centar Sarajevo neposrednim tajnim glasanjem koje će se održati u nedjelju, 22.10.2023. godine, u vremenu od 07 do 19 sati."

Član 3.

Član 5. stav 1. Odluke o opozivu Načelnika, se mijenja i glasi: "Glasački listić za izjašnjavanje o opozivu Načelnika je formata A4 sa istaknutim grbom Općine Centar, u crno-bijeloj tehnici, sa serijskim brojem listića i pečatom Općinskog vijeća Centar Sarajevo".

Na dnu glasačkog listića će se pisati objašnjenje glasačima:

Napomena: Glasanje se vrši zaokruživanjem

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-214/23
06. septembra 2023. godine
Sarajevo

Predsjedavajući
Općinskog vijeća
Sejad Đozo, s. r.

Ova Odluka je objavljena na oglasnoj ploči Općine Centar dana 06.09.2023. godine.

U skladu sa članom 6. Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine ("Službene novine Federacije BiH", broj 19/08), u vezi sa članom 23. i na osnovu člana 10. stav 1. alineja druga, Statuta Općine Centar Sarajevo ("Službene novine Kantona Sarajevo", broj 23/04 - Prečišćeni tekst) te u skladu sa Zaključkom o prihvatanju inicijative za pokretanje postupka opoziva Općinskog Načelnika Općine Centar Sarajevo broj 01-45-542/23 od 27.07.2023. godine, Općinsko vijeće Centar Sarajevo je, na 8. Vanrednoj sjednici održanoj dana 05.09.2023. godine, donijelo

ODLUKU**O IZMJENI ODLUKE O FORMIRANJU KOMISIJE ZA PROVOĐENJE POSTUPKA OPOZIVA NAČELNIKA OPĆINE CENTAR SARAJEVO**

Član 1.

Ovom Odlukom mijenja se Odluka o formiranju Komisije za provođenje postupka opoziva načelnika Općine Centar Sarajevo ("Službene novine Kantona Sarajevo", broj 35/23), (U daljem tekstu: Odluka o formiranju Komisije)

Član 2.

Član 2, stav 1, tačka 3. mijenja se i glasi: "**3. Emsel Krupalija**", tačka 6. mijenja se i glasi "**6. Enisa Pazalja**" tačka 7. ne mijenja se."

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-213/23
06. septembra 2023. godine
Sarajevo

Predsjedavajući
Općinskog vijeća
Sejad Đozo, s. r.

Ova Odluka je objavljena na oglasnoj ploči Općine Centar dana 06.09.2023. godine.

OPĆINA ILIJAŠ**Općinski načelnik**

Na osnovu člana 30. Odluke o Izvršenju Budžeta Općine Ilijaš za 2023. godinu ("Službene novine Kantona Sarajevo", broj 2/23), zaključuje se: te člana 107. Statuta općine Ilijaš - prečišćeni tekst ("Službene novine Kantona Sarajevo", br. 20/09 i 46/18), Općinski načelnik donosi

ODLUKU**O ODOBRAVANJU UPOTREBE SREDSTAVA BUDŽETSKE REZERVE IZ BUDŽETA OPĆINE ILIJAŠ ZA 2023. GODINU**

Član 1.

Odobravaju se novčana sredstva u ukupnom iznosu od 10.000,00 KM (deset hiljada konvertibilnih maraka) na ime troškova namirenja materijalne štete na pomoćnom objektu

(štali), životinjama i balama sijena koje su izgorjele u požaru, naselje Vladajevići MZ Dragoradi.

Sredstva iz člana 1. će se isplatiti u korist računa ŠABIĆ MELČA JMB 2601980195024, lična karta br. 261002J46 MUP KS, ILIJAŠ, transakcijski račun ASA BANKA br. 134-661-10074600-79.

Član 2.

Sredstva iz člana 1. ove Odluke osigurana su Budžetom općine Ilijaš, a teretit će budžetsku poziciju "budžetska rezerva", a konačno knjiženje će se izvršiti na budžetsku poziciju "transferi za posebne namjene - civilna zaštita".

Član 3.

Za realizaciju ove Odluke zadužuje se Služba za privredu i finansije i Služba civilne zaštite.

Član 4.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/2-40-2174/23
04. septembra 2023. godine
Ilijaš

Općinski načelnik
Fazlić Akif, s. r.

OPĆINA NOVO SARAJEVO**Općinski načelnik**

Na osnovu člana 50. stav (1) alineja 5) i člana 146. stav (1) i stav (2) Statuta Općine Novo Sarajevo - Prečišćeni tekst ("Službene novine Kantona Sarajevo", broj 50/20 - Prečišćen tekst i 20/20 - Ispravka), Budžeta Općine Novo Sarajevo za 2023. godinu ("Službene novine Kantona Sarajevo", broj 2/23 i 19/23) i člana 15. stav (6) alineja g) Odluke o izvršavanju Budžeta Općine Novo Sarajevo za 2023. godinu ("Službene novine Kantona Sarajevo", broj 2/23 i 19/23), načelnik Općine Novo Sarajevo donosi

PRAVILNIK**ZA SUFINANSIRANJE TROŠKOVA NABAVKE ŠKOLSKOG PRIBORA ZA UČENIKE KOJI IMAJU PRAVO NA DODATAK NA DJECU**

Član 1.

(Predmet)

Ovim Pravilnikom utvrđuju se uslovi, visina pomoći i način ostvarivanja prava na dodjelu jednokratne novčane pomoći za sufinansiranje troškova nabavke školskog pribora za učenike koji imaju pravo na dodatak na djecu, koju dodjeljuje Općina Novo Sarajevo, Načelnik Općine.

Član 2.

(Pravo na sufinansiranje i iznos pomoći)

Pravo na jednokratnu novčanu pomoć za sufinansiranje troškova nabavke školskog pribora za učenike, imaju učenici osnovnih škola (II-IX razred) koji se u mjesecu augustu 2023. godine nalaze u evidenciji korisnika dodatka na djecu Službe za socijalna pitanja, zdravstvo, izbjeglice i raseljena lica i korisnika dodatka na djecu Službe za boračko-invalidsku zaštitu Općine Novo Sarajevo.

Isplata će se izvršiti jednokratno na tekući račun korisnika u iznosima od po 50,00 KM po djetetu i to:

- korisnicima dodatka na djecu putem Službe za socijalna pitanja, zdravstvo, izbjeglice i raseljena lica po federalnom propisu - Zakon o materijalnoj podršci porodicama s djecom u FBiH ("Službene novine Federacije BiH", broj 52/22), i